



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-103-4/24**
Datum: **04.04.2024. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica ZARA d.o.o. Velika Kladuša, za izmjenu titulara vodne dozvole, na osnovu člana 121. stav (3) Zakona o vodama („Službene novine Federacije BiH“, broj 70/06) i člana 67. stav (2) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

ZAKLJUČAK

Odbacuje se zahtjev pravnom licu ZARA d.o.o. Velika Kladuša, za izmjenu titulara vodne dozvole, izdane od strane ove Agencije pod brojem UP-I/25-3-40-629-9/18 od 22.03.2019. godine, za objekat benzinske pumpne stanice, izgrađen u naselju Zborište, na zemljištu označenom kao k.č. broj: 831/2 K.O. Zborište, Općina Velika Kladuša, zbog nepostojanje uvjeta za vođenje upravnog postupka.

Obrazloženje

Pravno lice, ZARA d.o.o. Velika Kladuša, obratilo se ovoj Agenciji zahtjevom za izmjenu titulara vodne dozvole, broj: UP-I/25-3-40-629-9/18 od 22.03.2019. godine, za objekat benzinske pumpne stanice izgrađen u naselju Zborište, na zemljištu označenom kao k.č. broj: 831/2 K.O. Zborište, Općina Velika Kladuša.

Uz zahtjev je priložena slijedeća dokumentacija:

- Rješenje o registraciji; izdano od strane Općinskog suda u Bihaću pod brojem 017-0-Reg-20-000325, dana 13.07.2020. godine (ovjerena kopija),
- Uvjerjenje o registraciji poreznog obveznika; izdano od strane Federalnog ministarstva financija-finansijska, Federalne uprave Federacije Bosne i Hercegovine, Kantonalnog poreznog ureda Bihać, dana 13.09.2023. godine (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem 04/1-17-1-UPJR/1-7344-2/23, dana 19.10.2023. godine, Banja Luka (ovjerena kopija),
- Posjedovni list broj 564, Katastarska općina: Zborište; izdana od strane Službe za prostorno uređenje, imovinsko-pravne i geodetske poslove općine Velika Kladuša pod brojem 03/2-23-776/24-2, dana 19.02.2024. godine,
- Zemljišnoknjižni izvadak, BROJ: 023-0-NAR-24-000 450, Zemljišnoknjižni uložak broj: 3; Katastarska općina: ZBORIŠTE; izdan od strane Zemljišnoknjižnog ureda Općinskog suda u Velikoj Kladuši dana 20.02.2024. godine,
- Ugovor o posluži, zaključen u Bužimu dana 01.03.2023. godine sa Husić (Zuhdija) Nedžadom iz Velike Kladuše, Čaglica bb, Velika Kladuša, kao Zakupodavcem (kopija)
- Ugovor o kupoprodaji nekretnine sa opremom, zaključen dana 08.10.2021. godine između prodavca: DRVOPROMET d.o.o. Velika Kladuša i kupca: Husić Nedžada, zastupanog po punomoćniku Husić Jasminu; , ovjeren od strane Notara Selvedina Ahmetaševića pod OPU – ip BROJ: 538/2021, U Velikoj Kladuši (kopija),
- Izjava direktora pravnog lica DRVOPROMET d.o.o. Velika Kladuša, Bašić Said; ovjerena kod Notara Selvedina Ahmetaševića u Velikoj Kladuši dana 14.10.2021. godine, pod OPU-OV broj: 2280/2021 (kopija).

Uvidom u dostavljenu dokumentaciju uz predmetni zahtjev utvrđeno je nije dostavljena sva nepohodna dokumentaciju za obradu ovog upravnog akta te se predmetni zahtjev smatra nepotpunim u smislu člana 12. stav (3) tačka 7. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ br. 31/15, 55/19, 41/20 i 63/22), te je podnosilac zahtjeva pismenim putem obavješten, dana 7.3.2024. godine, da isti dopuni u roku od **30 (trideset) dana**, od dana prijema zahtjeva sa:

- Ovjerena kopija rješenja o vodnoj dozvoli, za koju se traži izmjena titulara

- Punomoć zastupnika podnosioca zahtjeva, aktuelni izvod iz sudskog registra ili validno rješenje o registraciji, kojim se dokazuje da je potpisnik predmetnog zahtjeva ovlaštena osoba za zastupanje u predmetnom pravnom licu, jer prema dostavljenoj ovjerenoj kopiji rješenja iz 2020. godine, potpisnik zahtjeva to nije.

Podnosilac zahtjeva je dana 21.03.2024. godine (zaprimljeno dana 25.03.2024. godine) dopunio podnesak zahtjeva, aktom broj: 01-03/24, sa slijedećom dokumentacijom:

- Rješenje o vodnoj dozvoli, kojim daje vodna dozvola pravnom licu „DRVOPROMET“ d.o.o. Velika Kladuša, za promet opasnih materija kao i proizvoda od tih materija koje nakon upotrebe dospijevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Zborište, na zemljištu označenom kao k.č. broj: 831 K.O. Zborište (novi operat), odnosno 9/99 K.O. Zborište (stari operat), općina Velika Kladuša; izdano od strane Agencije za vodno područje rijeke Save Sarajevo pod brojem UP-I/25-3-40-629-9/18, dana 22.03.2019. godine (ovjerena kopija),
- Rješenje o izmjenama podataka; izdano od strane Općinskog suda u Bihaću pod brojem 017-0-Reg-23-000523, dana 8.9.2023. godine (ovjerena kopija).

Pregledom dostavljene dokumentacije je utvrđeno slijedeće:

- Da je podnosilac zahtjeva izvršio kupovinu nekretnine, koja je predmet ovog upravnog postupka, odnosno priložio je dokaz o vlasništvu iste,
- Da valjanost vodne dozvole za koju se traži izmjena titulara prestaje sa danom 7.4.2024. godine (za tri dana od dana donošenja ovog zaključka),
- Da je podnosilac zahtjeva (Zara d.o.o. Velika Kladuša) već podnio zahtjev za izdavanje nove vodne dozvole na predmetnoj nekretnini.

Obzirom da je podnosilac zahtjeva priložio dokaze o vlasništvu predmetne nekretnine, a budući je već podnio zahtjev za izdavanje nove vodne dozvole, a predmetnoj dozvoli ističe rok valjansoti za tri dana, smatramo da nema uvjeta za vođenje ovog upravnog postupka.

Priložena dokumentacija o dokazu vlasništva nad predmetnom nekretninom će se, uz sastavljenu službenu zabilješku, prenijeti u predmet za izdavanje nove vodne dozvole istog podnosioca zahtjeva. Iz razloga naprijed navedenih, postupajući prema odredbama člana 5. i 14., a u skladu s odredbama člana 123. i 218. stav (2) Zakona o upravnom postupku te člana 139. stav (1) Zakona o vodama, riješeno je kao u dispozitivu ovoga zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

za Po ovlaštenju
Rukovodilac sektora za izdavanje
Vodnih akata



Haris Ališehović dipl. inž. građ.

Dostaviti:

- ZARA d.o.o. Velika Kladuša, Zborište bb, 77 236 Zborište,

- AVP Sava – ISV – Vodna knjiga

○ Sektor 40 - arhiva

- oglasna ploča AVP Sava